

贛州府志卷四十四

雜志

劉宋時王歆之鄧德明俱撰南康記而德明之書尤著凡山水竒跡幽怪之屬罔不備傳稱爲文獻開先亦即郡志雜紀之開先也顧所紀已分收志中今自晉唐以後諸史及他書採其有關郡事者芟薙繁複訂正訛贗彙列一編庶前賢之軼事里巷之舊聞識大識小相雜成文匪獨以供博物亦用以昭法戒焉

立雜志

漢

通志氏族畧儲老王莽之亂以兵五百人據大庾嶺又載

贛州府志

卷四十四

雜志

一

贛州府城北二十里儲山下為儲潭有儲君廟然不知儲君爲何人或是儲老之神生爲贛人故以姓諡其山川也生有保障鄉里之德沒有通靈郡將之祥其後猶禱雨立應潤澤斯土宜其廟祀至今矣

王謨江西十代文獻畧

晉

太原郭澄之字仲靖義熙初諸葛長明辟爲輔國諮議澄之不樂就後爲南康相盧循反自廣州長明以澄之不先告收付廷尉將致大辟夜夢一神人以烏角如意與之既覺便在其牀頭如意可三尺形製甚陋澄之得此

遂無恙後從入關齎以自隨忽失所在

宋劉敬叔異苑

義熙四年盧循在廣州陰規謀逆潛遣人到南康廟祈請

既奠牲奏鼓使者獨見一人武冠朱衣中筵而坐曰盧
征虜若起事至此當以水相送六年春循遂率衆直造
長沙遣徐道覆踰嶺至南康裝艦十二艙樓十餘丈舟
裝始辦大雨一日一夜水起四丈道覆凌波而下與循
會巴陵至都而循戰敗不意神速其誅洪濼之降使之
自送也

任昉述
異記

義熙中范寅爲南康郡時贛縣吏家人入山樵採偶得二
大龜如二尺盤置之駢生兩樹間將採薪畢乃取之因
遇雨急歸不及取經十二年後復入山見前龜一已枯
其一尚生長滿樹間厚可四尺許兩頭厚尺餘若馬鞍
狀亦物之極異者也

幽明
錄

贛州府志

卷四四

雜志

二

晉時會昌有金姓者夜於江岸捕魚忽有香木浮水入網
中漁者異之取歸夢神告以姓及某地某時人得道於
某山於是即夢所見刻香木爲神像知縣梁潛為建廟
於邑之西澣額曰賴公祠宏治中寇亂巡撫韓襄毅發
兵征勦賊從陣中見一大白旗上書賴字遂卻走官兵
追斬俘獲無算說者謂神助焉

會曷
志

武昌侯太夫人孫氏吳郡富春人虞潭母也適潭父忠甚
有婦德忠亡潭始自幼童孫便訓以忠義晉永嘉末潭
爲南康太守值杜崱構逆帥衆討之孫勉潭以必死之
義傾其貲產以餽戰士遂尅捷後征蘇峻戒令潭之子
楚督護有功拜武昌侯太夫人卒年九十五成帝遣使

弔祭諡曰定夫人

晉書列女傳

郭璞行踪何由得至虔吉因會著葬經故攀援附會如虔州鈐語鄙俚尤可笑郭文人當不出此

平園雜著

劉宋

述異記黃苗南康平固人宋元嘉中為州吏受假違期行經宮亭湖入廟願希免罰坐又欲還家若並遂當上豬酒苗至州皆得如志乃還資裝既薄遂不過廟行至都界與同侶並船泊宿中夜船忽自下其疾如風四更苗至宮亭始醒悟見船上有三人並烏衣持繩收縛苗上廟見神云云按宮亭湖即鄱陽湖也

平園雜記

南康郡鄧德明常在豫章就雷次宗學雷家東郊外去史

贛州府志

卷四四

雜志

三

豫章墓十里許元嘉十四年德明與韋遙等乘夜步月忽聞音樂諷誦之聲共訝曰此間去人尚遠必鬼神也乃相與尋之至史墓果聞墳下有管絃歌咏聲咸嘆異焉史名群晉豫章太守葬東湖東北一里

南康郡公劉邕性嗜瘡痂以為味似鰵魚嘗詣孟靈休靈休先患炙瘡痂落在牀邕取食之靈休大駭痂未落者悉褫取貽邕邕既去靈休與何勗書劉邕向見噉遂舉體流血南康國吏二百許人不問有罪無罪遞與鞭笞瘡痂嘗以給膳

異苑

河東王歆之嘗為南康相素輕劉邕先是相吏並於國主稱臣去任便止孝建中始草此制為下官敬上後歆之

與邕俱豫元會並坐邕性嗜酒謂歆之曰卿昔嘗見臣
今不能見斟一杯酒乎歆之因數孫皓歌答之曰昔為
汝作臣今為汝比肩既不勸汝酒亦不願汝年宋書劉穆之傳
宋南康郡守向柳有學義才能立身方雅與揚州刺史顏
竣友善及竣貴猶以素情自許不推先之順陽范璩誠
柳曰名位不同禮有異數卿何得作曩時意耶柳曰我
與士遜心期久矣豈可以一旦勢利處之及柳為南康
郡涉義宣事敗繫建康獄屢密請竣求相申救孝武嘗
與竣言及柳事竟不助之遂伏法南史本傳
卞彬峻拔有才擯斥數年不得仕進為枯魚賦以喻意為
南康郡丞嘗著蠶蛭蝸蟲蝦蟬等賦於閭卷人謂其有

贛州府志

卷四四

雜志

四

指斥云

舊志

何曇直劉紹祖俱南康贛人與齊王世子據郡起義不從
鄧琬按宋書鄧琬傳齊王世子為南康贛令琬遣使收
世子世子腹心蕭欣祖桓康等數十人奉世子長子奔
竄草澤名募得百餘人攻郡出世子世子自號寧朔將
軍與南康相沈用之前南海太守何曇直晉康太守劉
紹祖北地傅浩東莞童禽等據郡起義

齊

齊武帝仕宋為贛令晉安王子勲反帝起義避難揭陽山
有白雀來集將討戴凱之饗士卒大熱帝令折荆枝自
蔽言未終有雲垂蔭

齊本紀書

竟陵王子良武帝第二子帝爲贛縣時與裴后不諧遣人送后還都邑已登路子良時年少在庭前不悅帝曰汝何不讀書子良曰孃今何處何用讀書帝異之即詔后歸縣冊府元龜

江泌爲南康王子琳侍讀建武中明帝害諸王泌憂念子琳訪誌公道人問及禍福誌公覆香爐灰示之曰都盡無餘及子琳被害泌往哭之淚盡續以血親視殯葬畢乃去南史本傳

梁

梁南康簡王續高祖子也寡玩好少嗜欲居無僕妾躬事儉約其租稅悉寄天府及薨後府有無名錢數十萬冊府元龜

贛州府志

卷四四

雜志

五

彭城劉士章繪爲南康相郡人鄧類所居名穢里嘗刺謁繪繪戲之曰君有何穢而居穢里類應聲曰未審孔丘何闕而居闕里繪默然歎其辯速不以爲忤也舊志

按通志氏族畧賴氏望出南康然自賴斐以前無攷惟南史載彭城劉繪爲南康相郡人有賴姓者所居名穢里而此爲鄧類蓋沿太平廣記引談藪之誤也興國上洛山有木客形似人語亦似人遙見分明近則藏匿自言秦時造阿房宮採木者食木實得不死能斫杉枋與人交市易人刀斧交關者前置物枋下卻走避之木客尋來取物下枋與人隨物多少甚信且不欺有死者亦哭泣殯葬嘗有山人行遇其葬日出酒食啖人山

有石墨可書南康記又云山都形如崑崙奴通身生毛
見人輒閉目張口如笑好在深澗中翻石覓鱗噉之四十

道番志

南康有神名山都形如人長二尺餘黑色赤目黃髮於深
山樹中作窠窠形如豎鳥卵高三尺餘內甚光澤五色
鮮明旁開孔如規體質虛輕中以鳥毛爲褥此神能隱
身罕覩其狀贛縣西北十五里有余公塘上有大梓樹
可二十圍樹老中空山都穴焉宋元嘉元年縣民哀凜
訓導靈兄弟二人伐樹取窠還家山都見形謂曰我處
荒野何與汝事樹有我窠何故伐之今當焚汝宇以報
汝之無道至二更火起合室蕩盡述異記

贛州府志

卷四四

雜志

六

海內經曰南方有贛巨人又有黑人虎首鳥足兩手持蛇
方啗之有羸民鳥足有人曰苗民郭注贛巨人即梟陽
也南康有贛水以有此人因以名水苗民三苗民也攷
水經上言贛巨人屬南康下言苗民屬九江則所云黑
人羸民亦當屬江西境內王謨江西攷古錄

南康上瀧左入有一坑坑裏有石人出水名曰魑君甚有
靈百姓祠其上王歆之南康記

南康英山石室號金堂內金色有金鼠見百怪書咋人衣
領有福至吉王記

平固覆笥山道士遺言是福地下有潛穴未知所通王記
野浮水去郡五里有落星窟深不見底時見火光出其上

南鄧
康德
記明

南康郡東望山有三人入山山頂見衆果畢植行列整齊
柑子正熟三人共食致飽因懷二枚欲示人聞空中語
曰速放雙柑乃聽爾去于寶搜神記

南康有怪松從前刺史令畫工寫松必數枝衰悴後一客
與妓環飲其下經日松死陽成雜俎

唐

唐王哲爲虔州刺史在平康里治第西偏家人掘地拾得
一石子朱書其上曰修此不吉揩拭轉分明乃呈哲哲
意家人惰於畚鍤自磨朱深若石墨哲甚惡之其年哲

卒陽成雜俎

贛州府志

卷四四

雜志

七

劉洎初蕭銑黃門侍郎南畧地嶺表下五十城未還而銑
敗遂以城自歸授南康州都督長史貞觀七年擢給事

中唐
本傳書

虔州平固人訪其親因留宿夜分聞寢室中有人語聲徐
起聽之乃羣鶩語曰明旦主將殺我幸善視諸兒既明
客辭去主人曰有鶩甚肥將以食子客具告之主人於
是止殺自後舉家不復食鶩稽神錄

貞觀末南康黎景逸居於空青山有鵲巢其側每食必飼
之後有失布者誣以爲盜繫獄月餘鵲止獄似傳語狀
其日遂傳放赦官司詰所從來云路逢元衣素衿人相
告三日赦果至景逸出獄乃知元衣素衿者鵲也物之

靈異如此僉朝載野

陽鴻字季翔唐武后時人性倜儻貫識載籍其要在霸王
大畧君親大義忠孝大節儀鳳中河北大使薛公舉鴻
行厲貪鄙天子嘉之除汲曲阿尉雩都主簿凡十年一
方化德後歷佐四邑張說諡爲貞節張說集

鍾紹京爲中書令薛謾諷使讓紹京入言於帝曰臣本胥
吏素無才望今特以勲進師長百僚恐非朝廷具瞻之
美帝然之遂許紹京改戶部尚書新唐書薛謾傳

門下忠臣立事忘宗殉國良宰登庸開物成務銀青光祿
大夫行中書侍郎同中書門下三品上柱國潁川郡開
國公鍾紹京器識宏遠襟度敏達好謀則忠見義能勇

贛州府志

卷四四

雜志

八

才惟倜儻明以燭微思乃縱橫博而能裕頃誅兇黨遂
建元勲氛祲除廟堂翳埽宮掖清切中書機務宜膺
寵命式允具瞻可光祿大夫行中書令越國公加封通
前滿五百戶賜物三千段賞奴二十人婢十人金銀器
皿三十事馬十匹即令所司給付主者施行景雲元年
庚戌六月二十五日下

勅古之將相有功濟於艱危繫於杜稷則身沒之後其名
益彰唐隆功臣故光祿大夫中書令戶部尚書上柱國
越國公食實封五百戶鍾紹京昔以運偶雲龍心貞鐵
石扶翊我祖勦亂定功一揮妖氛再清宮闈成提劍之
業在綴旒之辰固可以銘勲鼎彝書美青史亦已秉鈞

西掖曳履南宮而旌其功烈未有寵贈儲傅之位次於三公用以勅終光於幽窆可贈太子太傅建中元年庚申十一月五日太尉兼中書令汾陽王假中書侍郎闕司封郎中知制誥臣張旣寅奉行侍郎闕銀青光祿大夫門下侍郎平章事炎正議大夫行給事中審道奉制書如右請奉制付外施行建中元年庚申十一月五日制可十一月六日寅時都事丁固右司郎中張繫吏部尚書闕朝請大夫權知吏部侍郎輕車都尉說吏部侍郎闕尚書左丞闕誥贈太傅鍾紹京第奉勅如右符到奉行郎中定國主事思孔令史劉光書令史趙仁建中元年十一月八日下

按志林云右興國鍾氏族譜載鍾紹京誥四道茲錄二道自睿宗景雲庚戌暨德宗建中庚由十年紹京捐館已久未及更天寶之亂建中追贈乃德宗踐祚褒崇武德以來功臣二百三十五人而紹京與焉太尉兼中書令不稱名者郭子儀也門下侍郎炎者楊炎也雖屬一家之恩寵而文理醇茂猶見盛唐制誥之體詞頭紙尾爛然可觀與好古者共之當爲摩挲手胝

鍾紹京繇十代孫也工草書世號小鍾虔州興國縣人元

宗平韋庶人之難紹京夫婦出入爲多至今興國縣有

鍾令公讀書臺吾豫章拜相自紹京始

郭子章書

開元十一年二月祭后土於邠陰貶平遙令王同慶爲贛尉坐廣爲儲侍煩擾百姓也

鑑通

李泌爲相帝曰誰與卿有恩者朕能報之泌乃言曩爲元載所嫉謫江西路嗣恭與載厚臣嘗畏之會與其子應竝驅馬齧其脛臣惶恐不自安應悶不言勉起見其父臣嘗愧其長者思有以報帝曰善即日加應檢校屯田郎中服金紫

唐書本傳

諫議大夫韋綬兼太子侍讀每以珍膳餉太子又悅太子以諧謔上聞之罷綬侍讀尋出爲虔州刺史

鑑通

元載王縉秉政貨賂公行天下不按贓吏者殆二十年惟江西觀察使路嗣恭按虔州刺史源敷翰流之

鑑通

贛州府志

卷四四

雜志

十

大曆十三年代宗召江西判官李泌入見因言朕面屬卿於路嗣恭而嗣恭取元載意奏卿爲虔州別駕嗣恭初平嶺南獻琉璃盤徑九寸朕以爲至寶及籍載家得嗣恭所遺琉璃盤徑尺俟其至當與卿議之泌曰嗣恭爲人小心善事畏權勢精勤吏事而不知大體虔州別駕臣欲之非其罪也且嗣恭已新立大功豈能以一琉璃盤罪之也上意乃解召爲兵部尚書

鑑通

韋丹早孤從外祖顏真卿學擢明經調安遠令以讓庶兄自入紫閣山事從父後復舉五經高第

唐書本傳

長慶中進士張無頗居南康將赴舉遊丐番禺臥疾於逆旅遇善易者表大娘來主人舍瞪視無頗曰子豈久窮

悴耶某有玉龍膏一合子但立一表曰能治癘疾常人求醫但言不可治若遇異人請之持此藥往自能富貴耳無頗拜謝受藥以暖金合盛之曰寒時出此合則一室喧暖不假爐炭無頗依言立表數日果有黃衣宦者叩門曰廣利王知君有膏故使召見無頗從往江畔有畫舸登之甚輕疾食頃忽覩城宇極峻引入十數重門至殿庭一丈夫王者衣冠臨砌招無頗曰寡人簿德遠邀大賢盖緣愛女有疾知君有神膏倘獲平痊實所媿戴遂令阿監引入貴主院廊宇皆綴明珠翠璫異香氤氳二女侍褰簾一女子纔及笄衣翠羅縷金之襦無頗切其脉曰貴主所疾是心之所苦遂出龍膏以酒吞之

立愈貴主抽翠玉雙鸞篋遺無頗目成者久之王出駭鷄犀翡翠盃麗玉明瑰爲贈無頗歸番禺纔貨其犀已巨萬矣月餘有青衣叩門送紅牋二詩曰羞解明璫尋漢渚但憑春夢訪天涯紅樓日暖鶯飛去愁煞深宮妒落花燕語春泥墮錦筵情愁無意整花鈿寒閨歆枕不成夢香炷金爐自裊烟頃之前宦者又至曰貴主有疾如初無頗復往左右白王后至聞環珮之響侍衛羅列降階延之問主所苦無頗曰前所疾有觸復作再餌藥當去根后問藥何在無頗進藥合后覩之色不樂去白王曰愛女非疾其私無頗矣何以宮中暖金合得在斯人處耶王愀然良久曰吾當成其事命延之別館復召

曰寡人竊慕君子欲以愛女奉託無頗再拜謝遂擇吉日具禮婿之止月餘歡宴俱極王曰張郎湏歸人間番禹地近恐爲人所恠南康又遠况別封疆不如居韶陽遂具舟楫服飾金珠寶玉與之別曰三年即一到彼無言於人無頗挈家居韶陽月餘忽表大娘叩門曰張郎今日賽口及小娘子酬媒人可矣二人各具珍寶遺之無頗詰妻妻曰此表天剛女程先生妻暖金合即某宮中寶也後每三歲廣利王必夜至其室無頗爲人疑訝於是去之不知所適

太平廣記

陳金江西節使部下軍士也劉信圍虔時私與其徒五人發一大塚白氣冲天有異香棺中一白髯老人面如生

贛州府志

卷四四

雜志

十二

通身白羅衣棺蓋上有物如粉作硫黃氣金素聞棺中硫黃可爲藥以衣襟掬取懷歸掩墓而去汲水服硫黃至盡入佛寺與僧言之僧曰此城中富人之遠祖也生前好道有異人教餌硫黃云死後三百年墓當開即解化之期也今三百年豈即是人乎相與復視之棺中惟衣存餘烏有矣金亦無病壽考

稽神錄

虔州司士劉知元攝判司倉大酺時司馬相舜臣謂曰賈肉必湏含胎肥脆可食知元乃取懷孕牛犢及豬羊驢等殺之其胎仍動良久乃絕無何舜臣一奴無病而死七日復甦云見一水犢白額併子隨之見王訴云枉殺母子湏臾又見豬羊驢等皆領子來訴見劉司士答欵

引楊司馬處分如此居三日而知元猝亡又五日而舜
臣死朝野載

虔州刺史李舟與妹書曰釋迦生中國設教如周孔周孔
生西方設教如釋迦天堂無則已有則君子登地獄無
則已有則小人入識者以爲知言舟在虔時馬祖大寂
禪師說法於龔公山舟聽其說遂披襟解帶留連不能
去國史補

元和二年李翱受嶺南尚書公之命四年五月壬戌至虔
州乙丑與韓泰安平渡江遊靈應山居自洪州至大庾
嶺一千八百里李翱來南錄

劉伯芻字素芝爲主客員外郎數過友家飲噉爲韋執誼

贛州府志

卷四四

雜志

十三

劾貶虔州叅軍

同上

呂元膺拜尚書左丞江西裴堪按虔州刺史李將順受賂
不復訊而貶元膺曰觀察使奏部刺史不加覆雖當誅
猶不可爲天下法請遣御史按問宰相不能奪唐書本傳

都監楊筠松值僖昭之亂避地於虔因謁盧光稠爲卜地
云出天子盧遂改葬其父母復問還有如此地否曰有
一席十八面曰何面出天子曰面面出天子盧恐他姓
得之遂毒楊楊覺攜其徒會文迪亟去之至一處所問
何地名會答曰藥口曰藥到口死矣讎不可不報也小
子識之說盧王於州之磨車灣安一水碓十字路口開
一井則世世爲天子矣曾曰何謂也曰磨車灣安碓單

打盧王背十字路開井盧王自縊頸後盧果疽發背痛
不能忍縊死

舊志

舊傳贛郡城爲通天大龜形十縣爲蛇形號十蛇聚龜郡
城中有獅子二井鳳凰嘶馬金鯽魚三池相傳晉郭璞
遷城記曰穿開獅子兩條泉九秀廻龍出大官金鯽魚
池賜金紫鳳凰池上出名賢又曰金鯽池中波瀲灩讀
書科第登榮顯莫教他日塞魚池枉讀詩書千萬卷又
曰塞却三池人少糧又無朱紫耀金章紹興丁卯郡守
曾慥修譙門掘地得石上書識文亦有穿開獅子兩條

泉四句

舊志

蕭福保寧都樵者一日偕侶入山逢蛇戲一珠福保拾而

贛州府志

卷四四

雜志

十四

置衣帶間復墜地蛇戲如前福保取而含諸口不覺下
咽頃與遍體熱躁竟化爲龍去

舊志

會昌有水府祠昔有製錦者時往會城聞灘聲怒激神指

麾兩炬分道而行照耀如市

會昌志

太王草書字直一百五字乃敵一行行書三行行書敵一
行真正偏帖則爾至如樂毅黃庭太師箴畫贊累表告
誓但得成篇即爲國寶不可計以字數或千或萬唯鑒
別之精粗也也皆倣此近日有鍾尚書紹京亦爲好事
不惜大費破產求書計用數百萬錢唯市得右軍行書
五紙不能致具書一字崔張之跡固爲寂寥矣

唐張瓘書懷

黃素黃庭經一卷是六朝人書絹完並無唐人氣格縫有

書印字是曾入鍾紹京家黃素績密上下是烏絲織成
欄其間用朱墨界行末跋仙台二字有陳氏圖書字印
及錢氏忠孝之家印陶穀跋云山陰道士劉君以群鶩
獻右軍乞書黃庭經此是也余跋云書印字唐越國公
鍾紹京印也

米芾
書史

襄州遍學寺禪院碑黃門侍郎修國史韋承慶撰太子少
詹事鍾紹京書開元二年立紹京景龍中以苑總監從
討韋氏有功性嗜書家藏王羲之獻之褚遂良書至數
十百卷以善書直鳳閣武后時榜諸宮殿明堂及諸九
鼎皆紹京書也其字畫妍媚遒勁有法誠少與爲比然
今所見特此碑尚存尤爲可愛玩也遍學寺於宇文周

贛州府志

卷四四

雜志

十五

爲帝樂寺於今爲開元寺

南豐類藁
金石錄跋

唐越國公鍾紹京書千字文筆勢圓勁在丞相恭公孫陳
并處今爲宗室令穰所購諸貴人皆題作智永余驗出
唐諱闕筆及以遍學寺碑對之更無異大半於是盡剪
去諸人跋余始跋之

米芾
書史

鍾令公紹京楷書五帝靈飛六甲經一卷字畫遒美清潤
妙得鍾王楷書非後人所及歷世寶玩之

尹直題
鍾紹京蹟

鍾紹京開元初謫懷恩尉懷恩開元間省入漳浦故無知
之者紹京任懷恩事蹟無考前志稱梁山古有十二峰

紹京增其名二十四又中峰巖舊有紹京詩今亡

漳浦
縣志

董太史思白贈余戲鴻堂帖有越公楷書爾時世尊遊舍

衛城帖一百七十五字又有唐搨越公書維摩經六十字實得右軍筆法乃知小鍾之名良不虛也

郭子章題戲口堂越國公楷書

張尚瑗曰元常士季舊稱大小鍾至可大而復號小鍾由工書得名意其聲望位置當在歐虞褚薛間及考李嗣真書品張懷瓘書估以逮宣和書譜皆不列惟竇泉述書賦有萃傅巖而滙潁川之句懷瓘則有鍾尚書破產求書之說米元章黃素黃庭經謝奕謝安桓溫三真蹟皆以鍾紹京書印審定則越公當日固以精鑒富有爲長若其揮毫落墨猶未得遽登神妙也歐公集古錄未嘗及至南豐金石錄始盛推遍學寺碑元章亦稱趙令穰所購千文黃長睿又稱竇

贛州府志

卷四四

雜志

十六

章集題小字書蓋唐人墨蹟至北宋而漸就彫落不得不珍其所少又士大夫之藏弄稍下於御府之秘儲故棄取異同云爾于司直金石志又列靜禪方攢碑臨池禪院二條禪院乃贛州土物也予過虔屢詢遺跡不得其處再閱府縣二志亦無所謂臨池禪院者嗟乎中郎不作則願對虎賁况韓幹之馬未必不與曹霸等並重哉

楊吳

劉信爲徐溫圍虔州人有謗信欲叛者信無以自明請與溫博歛骰子六厲聲祝曰劉信果叛吳者願爲惡采苟無二心當成渾化溫遽止之不從一擲六子皆赤身負

重謗不可辨發憤呼盧以明其無他而亦卒賴此以自
明異數也

甘露園
短書

虔州少年不詳其姓氏吳高祖時虔州將鍾某之廣陵經
太和戌遇少年求同往鍾許之會屠肆有豕首欲市之
而不携一錢少年曰小事易耳及還已出豕首袖中
及至廣陵有輕俠數人來逆旅少年指青衣者曰此必
今夕爲盜鍾未之信中夜聞穴壁聲伺其引首過竇急
持之即青衣客也居無何忽謂鍾曰不可久處促之歸
還至白沙而朱瑾被殺廣陵果大擾焉

十國
春秋

南唐

哀氏望出南康見通志氏族畧而不及衷愉賜姓事其分

贛州府志

卷四四

雜志

十七

韻諸姓亦有中氏而無衷氏萬姓統譜則云衷氏望出
汝南今豫章東莞多大家在豫章者有哀景元守豫章
因家焉後三子避亂居寧都賜姓衷而不詳景元以何
時守豫章據氏族略哀氏注引宋哀道訓本元嘉中人
出鄧德明南康記則南康哀氏由來已久但其改姓則
自愉始名勝志載衷愉舊廬在君子峰下去寧都縣北
二十里云南唐御史大夫衷愉結廬奉母隱此又其墓
在石城縣石上里聳岡亦屬今寧都州治通志引豫章
書以愉入贛州人物而不詳何縣亦為失之

王謨
十代
文獻略

宋

太平興國六年張齊賢爲江南西路轉運使詢知饒信

虔州土產銅鐵鉛錫之所推求前代鑄法取饒州永平監所鑄爲式歲鑄五十萬貫凡用銅八十五萬觔鉛三十六萬觔錫十六萬觔詣闕面陳其事敷奏詳確議者不能奪先是諸州罪人多錮送闕下路死者十常五六齊賢道逢建昌虔州所送索牒視之率非首犯悉其冤抑因力言於朝後凡送囚至京請委強明吏類問不實則罪及原問官屬自是江南送罪人者減大半宋史本傳景祐二年置提點刑獄鑄錢監於虔州元豐二年三司請增設一員定爲兩司一在饒州一在虔州在饒者領江東淮浙七閩在虔者領江西荆湖二廣宋史郡守趙抃孔平仲林顏正皆嘗有禱於江東神應如響貢

贛州府志

卷四四

雜志

十八

水東北有二洲曰藍凝曰乾度每當水涸舟道易塞趙抃禱焉江水清漲七八尺清漲者俗謂無雨而水自盈

也

舊志江東廟記

治平初大水鄉人於石城西港白石灘獲碑數片其文不全有云太原王氏女金陵韓守妻戊辰年八月葬在石城西又云日爲弓兮月爲箭射四方兮生改變千年萬年松柏風悲盡死人不見能漫改錄齋

詩人好改易地名以就句法蜀大散關有喜歡舖東坡贛詩山憶喜歡勞遠夢地名惶恐泣孤臣自下而上第一灘在萬安縣名黃公灘坡乃更爲惶恐以對喜歡廬陵志二十四灘詩乃云十八灘頭一葉身亦非也邢通編

□趙清獻入贛聞曉角云移舟夜泊惶恐灘盡角烏
鳥曉風起虔州即事云惶恐灘長從險絕鬱孤臺迴
足觀遊已兩見於詩非東坡所改矣

杜牧詩清時有味是無能閒愛孤雲靜愛僧欲把一麾江
海去樂遊原上望昭陵此蓋不滿於當時故未有望昭
陵之句汪輔之以意氣自負元豐初謫官遇赦復知虔
州謝表有云清時有味白首無能蔡持正爲侍御史引
牧詩為証以為怨望遂復罷

石林詩話

紹聖元年十月三日始至惠州寓於嘉祐寺松風亭明年
遷於合江之行館虔州鶴田處士王原子直不遠千里
訪予於此留七十日而去贈以詩

東坡志林

贛州府志

卷四四

雜志

十九

賴仙芝從蘇軾遊羅浮道院及棲禪精舍嘉祐寺集中稱
爲虔州布衣或云芝山人

東坡集

紹聖元年蘓學士軾再貶寧遠軍節度副使惠州安置八
月二十一日過虔與陽玉岩同謁祥符宮宮中妙法象
冲妙先生李思聰所製也東坡拜九天使者堂下憂患
之餘以籤卜得吳真君第三籤中有報國心堅固見善
須勤學之句更和鬱孤臺詩天竺白樂天石刻贈玉岩
翁詩七年始度海北歸

舊志

東坡自海外還至贛上寓居水南白過郡城携一藥囊遇
有疾必為發藥并疏方示之每至寺觀好事者及僧道
之流有欲得公墨妙者必豫探公行遊之所多設佳紙

於紙尾書記名氏堆積案間拱立以俟公見即笑略無所問縱筆揮染隨紙付人至紙尚多即笑語之曰日暮矣恐小書不能竟紙或欲齋名及佛偈幸見語也及歸人人厭滿欣躍而散

春渚
記聞

東坡自南海至虔以水涸不可舟逗留月餘嘗邀劉器之司參玉版和尚器之倦山行聞見玉版欣然從之及至廉泉與燒笋而食覺笋味勝問此笋何名東坡曰即玉版也此老僧善說法要能令人得禪悅之味於是器之乃悟其戲爲大笑東坡亦悅作偈曰叢林真百丈法嗣有橫枝不怕石頭路來參玉版師聊憑栢樹子與問籜龍兒瓦礫猶能說此君那不知夜冷
話齋

贛州府志

卷四四

雜志

二十

黃山谷跋虔州學記遺吳季成云眉山吳季成有子資質甚茂季成欲其速成於士大夫之列也夙夜督其不至小小過差則以鞭撻隨之余謂季成教子之意則是所以成就其子則非也吾聞古人胥保惠胥教誨然後可以成就人材未聞以鞭撻也况父子之間哉故手抄王荆公虔州學記遺之使吳君父子相與講明學問之本而求名師畏友以成就之使季成能慈其子能孝則家道肥不疾而速矣

姚鉉貶連州文學經吉州之萬安抵虔州贛石舟行其中湍險萬狀鉉過感而賦之以自見

宋史
本傳

李權未第時夢張樂送至虎頭洲上俄登第果至虔州司

靖康之末二聖北狩四海震動士大夫救死不暇往來賊中洋洋自得者吳开莫儔二人路人所知也事定皆竄逐嶺外秦會之爲小官時开在禁林嘗封章薦之疏見其文集中稱道再三秦由此進用後爲相遂放二人逐便开滁人也内自愧忤不敢還里卜居於贛上秦乃以其壻會伯端慥知虔州揮塵餘話

大觀初文清公幾預銓試擢國子學正時禁元祐學術而以剽掇熟爛爲工幾思一洗之一日出内舍生陳元有經義與時作不類者誦於公卿之前諸公竦聽稱善元有因得錄用文體遂爲少變

贛州府志

卷四四

雜志

二十一

會文清吉甫孔毅父之甥也早從學於毅父文清以廕入仕大觀初以銓試合格五百人爲魁用故事賜進士出身紹興中明清以啟贄見云傳經外氏早侍仲尼之間居提筆文場曾寵平津之爲首文清讀之喜曰可謂着題矣後與明清詩云吾宗擇壻得羲之令子傳家又絕竒甥舅從來多酷似弟兄如此信難爲徐敦立覽之笑云此乃用前日之啟爲體修報耳揮塵後錄

曾吉甫侍郎藏子瞻和錢穆父詩真本所謂大筆推君西漢手一言置我二劉間其自註云穆父嘗草某答詔以歆向見喻故有此句而廣川董彥遠待制乃譏子瞻不當用高光事過矣周必大詩話

茶山先生云徐師川擬荆公細數落花因坐久緩尋芳草
得歸遲云細落李花邨可數偶行芳草步因遲初不解
其意久乃得之蓋師川專師淵明者也淵明之詩皆適
然寓意而不留意於物如悠然見南山東坡所以知其
決非望南山也今云細數落花緩尋芳草留意甚矣故

易之

老學菴
老記

白庚夫讀曾文清集詩云新如月出初三夜淡比湯煎第

一泉

天祿
識餘

江西詩派凡二十六人曾文清贛人劉後村序江西詩派
有曰同時如曾文清乃贛人又與紫微公以詩往還而
不入派不知紫微去取之意云何惜當日無人以此叩

贛州府志

卷四四

雜志

二十二

之

揮塵
餘話

曾文清夙興誦論語一篇終身未嘗廢

方勺
編泊
宅

曾幾學士兒皆早慧中子纔十歲一日謂父曰孔子死時
宰予必不行心喪三年問何以驗之答曰予親喪以期
爲久况師乎其姊曰只恐聞於汝安乎之語不敢違也
乃兄從旁對曰記得夫子沒時宰予已先亡矣
紹興五年并饒州鑄錢監於虔州建炎中因經兵亂鼓鑄
皆廢乃并饒於贛二十六年以得不償費罷歸之漕司

宋史

二十七年復饒贛韶三州鑄錢監歲以十五萬緡爲額乾
道六年併歸發運司七年復舊淳熙二年併贛州於饒

州提點官加都督宋史

劉安世字平叔與邑人曾開相交善發明理道宗旨後登紹興進士令雩邑時開在朝安世每過虔必躬詣曾氏自袖鹽蔬以餽舊志

紹興十年史祺孫以刑部郎中出知虔州祺孫故與岳武穆飛善秦檜將謀誅飛命蒐其家所交遊書祺孫悉焚之坐是落職舊志

泰和陳千齡初為韶州曲江簿陞虔州司法叅軍虔守劉少卿昉入境迓者皆不受謁獨延請千齡待以客禮蓋昉嘗過嶺南具聞其在韶州居官平恕因為延譽諸司

陞從仕郎泰和縣志

贛州府志 卷四四 雜志

曾慥魯公裔孫守贛州帥荆渚日選本朝自寇萊公以次至僧璉二百餘家詩為皇宋詩選序云博采旁搜拔尤取穎悉表而出焉文獻通考

本朝蟬聯珪組世為顯著者在江南則兩曾氏宣靖與南豐是也曾文清兄弟亦以儒學顯又三族矣王明揮塵錄

紹興末有韓慥者賣卜於臨安之三橋多竒中庚辰春曾侍郎仲躬呂太史伯恭至其肆則先一人在焉問其姓宗子也次第諸命首言趙可至郡守多貴子不達者亦卿郎次及曾則曰命甚佳有家世有文學有政事亦有官職只終身無科第仲躬名逮吉甫文清公之子能世其家舉進士不第至從官以歿周密野語

先子守某郡嘗降箕仙作詩云謝公樓上春光好五馬行
春人未老鬱孤臺上墨未乾手捧詔書入黃道莫知爲
何等語也未幾易守臨汀披郡志則舊有謝公樓所謂
謝公樓上好美酒三百青錢買一斗者而鬱孤臺以後
語竟不驗同上

張邦昌既死有旨月賜其家錢十萬於所在州勘支文清
爲廣東漕取其券繳奏曰邦昌在古法當族誅今貸與
之生足矣乃加橫恩如此不知朝廷何以待伏節死事
之家詔自今勿與余銘文清墓載此事甚詳及刻石其
家乃削去至今以爲恨陸游老學菴筆記

秦會之當國偶虔州賊發秦相得報夜呼堂吏行劊數日

贛州府志

卷四四

雜志

二十四

以賊聞一日德壽問虔州有賊何不奏聞秦云小竊不
敢上勞聖聽陛下何由知之上曰普安說秦既退呼堂
吏云普安一官給使請俸不齊取榜來遂閣兩月壽皇
聖度高遠亦不以此爲意議者疏秦專擅之罪張端義
貴耳錄
秦檜在相時執政皆用昏庸無能者如汪渤章夏董德元
太上一日問虔州兵反事秦久未對章夏在後恐秦忘
之因對一句後秦語之曰檜不能對時參政却好對檜
未對參政何故便如此即逐去之

隆興二年臣僚言贛州及諸烟瘴之地許民間自造酒服
藥小民無力醞造權酤之利盡歸豪家乞將所造酒經
官稅畢然後出賣後以劉邦翰言禁止抑買文獻
通考

淳熙十六年歲當大比州人士劉文燦以夢徵於江東神
夢三十人執高竹而立因更名筌遂入鄉選舊志江東廟記

小道者號行本贛縣人寺中棟宇皆良材雖厠溷亦櫛木

爲之或欲易爲什器者必遭蛇虎害傳燈錄

理宗口禮部尚書程秘以敷文閣學士予祠歸里既起知

贛州辭表內有云六經之間有全謨豈皆空說兩漢而

下無長策何取遠功奈何百未一施老已迫後尚蒙軫

錄俾効馳驅但臣已乞垂車豈堪展轡表辭殊踈淡可

喜洛水集

陸叡以秘閣修撰知贛州嘗刻祖尚書佃埤雅於郡舊志

嘉定十六年癸未知軍胡榘別乘趙宗雋贛縣令趙汝盥

贛州府志

卷四四

雜志

二十五

勸農西郊竣事同遊通天巖觀趙清獻公題刻訪陽隱

居故棲誦東坡贊詩歷翠微忘歸二巖徘徊玉巖下久

之乃登山椒亭由慧燈小巖路而返

寶慶改元良月既望通守魯郡曾樵與客來遊玉巖時霜

風清肅晴日晏溫訪古仰高薄暮而還

紹定改元季秋六日祭徹始議移陽先生像於通天巖三

山同祖德符林炎東里周紀彥文郡士劉浩周起龍王

夢龍袁恕李陸鍾化龍黃應嘉陽炎翁儀鳳劉應淵保

祐丁巳四月望日章江林貢監刊石刻缺登於此

長樂張鎮武陽黃茂良鄞江劉并浚儀趙時褒長樂許必

發淳祐六年秋九月來遊郡人曾元一趙時瑤俱時四

郊塵清幕府文書省缺徜徉巖谷觴咏竟晡想見周趙
蘓陽四賢高風英神洞洞殆與蒼崖摩軋宇宙壽茲山
以名詎維景哉繡衣使者怡山鄭公以厨傳勞盖續龍
門故事

茗溪周璘潤伯偕陸申岳來遊子靖侍焉年月日則寶慶
二十一二也

寶祐五年丁巳四年□□苑趙孟邁古杭鄭鑄番江甘
夢英廬陵陽通仲廣信應登龍豫章冷應元偶以公暇
同遊於此

贛知軍吁江陳宗禮勸農西郊事畢觀通天忘歸諸巖書
此以紀歲月聯事而出者郡丞四明史本之縣令豫章

贛州府志

卷四四

雜志

二十六

黃子椿時寶祐五年丁巳

景定四年癸亥秋杪天空木落山淨水遠郡人彭革文炳
會稽戴顯忠天錫吁江張浩然孟浩來遊徜徉竟日想
千古之高風紀一時之樂事賦詩而還

咸淳五年己巳廬陵文山覺菴心奉使檄承之知軍池陽
趙毅齋□□漳州游魯齊通天上巖九條石刻俱

元子發率陳師回郊巨夏大缺伯高缺及遊馬祖巖治平
二年乙巳重陽前四日祖以下巖六條石刻俱馬

贛宰司馬遼及之師東尉張更生景向以部使者之命來
此邑人郭超亢則同弟洪仲錫與焉慶元六年庚申春
下泚謹識

嘉定十年丁丑重九留茂潛侍缺隱老人携家來遊馬祖

巖缺爾塵外憇雲端後七字缺蹈中飲客昨所酒數缺

而下採訪遺蹟得字缺許若圖缺戴黃字缺存翁賈壽

景字缺開閭閻侍

南海李昉英由孫亨寶友缺郡吳達李興龍李春叟温陵

呂中曲胡夢亨遊淳祐十二年壬子缺月九日

建安游瑾寶祐三年乙卯重陽日獨遊小子源侍行

元

至正十二年壬辰重九日監郡尚書全静齋缺於吸江亭

時省屬鍾天澤王至剛掾史胡宗忠李希賢憲使全仲

達前監郡一軒郡幕長楊子文府史鄒幼儒文學曾苾

贛州府志

卷四四

雜志

二十七

蕭彝范誠陪讌

張尚瑗曰昌黎嵩華慈恩惠林福先寺諸題名爲後

世登臨嗜名者之倡導贛之玉巖自東坡贈陽隱居

留題後篆壁磨厓幾無罅地南宋以及元人居多馬

祖巖亦然爾時士大夫宦遊多工文筆簡政事從容

觴咏搜巖剔壑風流可想見矣

文天祥咸淳九年冬乞便郡侍親差知贛州十年三月赴

贛州平易近民與民相安無事十縣素服威信人自相

戒無有出甲廣人賴以安堵故具官設位家置香火以

報恩六月慶祖母劉夫人年八十七郡民自七十以上

與錢酒米帛有差有婦人百三歲者年文譜山

宋文憲題文履善手帖後云右少保知贛州時六月所發
公以提點湖南刑獄改知贛州時年三十有九踰年當
德祐乙亥秋即帥師勤王赴臨安所謂六月正甲戌之
六月也後一年宋亡又六年壬午公以忠死於燕則國
朝至元十九年也距作此帖時閱九寒暑矣丙申春胡
君出此卷相示再拜起觀恍覩寶玉大弓諦玩不能釋
手

劉丞直從太和王以道遊以道深器之曰子神仙中人也
因自言其避兵荆沅於洞庭君山遇異人長髯碧瞳授
以龍虎金碧丹經受而行之志氣日益充鬯丞直得其
書以爲異端不之信也既隱居多疾乃用其術導引吐

贛州府志

卷四四

雜志

二十八

納宿疾皆蠲

舊志

普明祖師修煉龍南之金盆山觀前有二石毬似石似磚
似銅鐵而實無一似左一小池大旱不涸患目者求水
洗之輒效旁樹數株每小枯枝內有一毛如櫻長尺餘
枝或脫落再生枯枝復然相傳祖師嘗櫛髮於此

龍南志

江西有謠金鷲頭向天代代出神仙金鷲頭向水代代出
人鬼今雩都張氏其山頂向下故世出一人與冥道相
通每歲夏爲陰府行疫於四方其將往也蹶死於榻至
數日而甦手握甲馬一紙云行瘟至某地某甲當活某
甲當死已而果然其初遊魂至人家下馬入門人亦延
拜登享親身舉筭了不異人但曰時乘馬一顧則不復

見耳舊志

贛州地近甌粵其俗尚鬼父老言巫覡挾邪以登人門妖怪隨至當令絕之因觀漢武惑樂大之術至封侯賜第大夜祠於家將以下神神未至而百鬼集乃信父老之言不誣邢凱坦齋通編

安遠有一道者從南逕隘來遇水駕一葦以渡耕者詫焉洋田坑募杜嫗油鹽米各一杯納袖中還其三杯命置家神前并戒老嫗某月日不宜在堂後坐堂後果傾倒杜嫗得無恙視其杯中物仍在其日道者又至某家募化婦人不與道人曰汝難將至吾救汝婦不信終不與閱數日雷擊其夫婦詈天亦擊之採輿錄

贛州府志

卷四四

雜志

二十九

明

洪武四年贛州民有止宿逃囚者初不知其為囚刑部逮問坐之罪太祖曰刑者聖人設防於天下耳深文重法仁者不為故凡斷獄貴得其情彼不知為囚舍宿者人情之常也何為罪之如汝議行路之人將無止宿矣命釋之

永樂中林瑜為江西按察僉事行部贛州豪民索逋殺人賄誣姪殺伯母獄已具瑜廉得其實寘豪民於法明史

潮陽黃濬字元浩其父以部解北上客死於虔濬時尚幼稍長母告以故濬聞之痛不欲生後舉景泰丙子鄉試母卒濬乃匍匐走虔州負父骨歸合葬潮州志

李先之被謫南歸貧不自給新淦蕭建功築室江上以居之且割田以爲食先之死以女妻其子燮人高其義

舊志

吳司寇山以副都御史改撫南贛道擢刑部右侍郎人謂當徑趨朝山曰前撫候代經年而又稽之不可乃抵代畢始之部人稱爲長者

吳江縣志

陸化淳以薦起授贛州守意不欲行監司促裝甚迫勉就道以田廬分授二子區畫既具語其弟孝廉化熙熙曰兒方弱齡當勉之讀書胡委之以此淳曰吾恐二子不察吾意謂仕宦可以肥家授此以杜其妄念耳復以一緘授恭人周曰湏有急乃召叔氏同啟視既抵任病革爲書召化熙熙至化淳已沒乃與二孤扶櫬歸橐如洗

贛州府志

卷四四

雜志

三十

虔人巷哭既抵舍出所遺周恭人緘與虔邸遺筆無毫末異者蓋露冕經歲不名一錢云

瞿汝稷撰傳

袁慶祥爲諸生時讀書廬坊由龍門書院渡江月夜舟人聞水中鬼云明日壩上姓劉人過渡我難當脫內一鬼云劉同袁僉事來渡恐不能害將晡劉姓果至袁隨後共渡風濤大作移時舟方抵岸舟人率劉姓謝袁且告之故後慶祥歷事承運庫上疏言利弊逮杖八十及半幾死昏在地半晌聞空中鼓樂聲一紫衣金帽人以笏指曰爾勿憂爾祖袁方智陰隲到矣移時而醒宏治間任廣東按察司僉事遂疏乞休部臺留之慶祥曰爵位前定不可強也遂致仕

零都志

郭義官日和者有田在會昌瑞金之間翁一日之田所經
山中見虎當道策馬避之從他徑行虎輒隨翁馴擾不
去翁留妾守田舍率一歲中數至翁還城虎送之江上
入山而去比將至虎復來家人呼爲小豹每見虎來其
妾喜曰小豹來主且至速爲具飯語未畢翁已在門矣
至則隨翁帖帖寢處冬寒臥翁足上以覆煖之竟翁去
復入山如是以爲常翁初以肉飼之稍稍與米飯故會
昌人言郭義官飯虎鎮守官聞欲見之虎至庭咆哮庭
中人盡仆翁亟將虎去後數十年虎暴死翁亦尋卒嘉
靖癸丑翁孫惠爲崑山主簿爲予言此又言歲太旱禱
雨不應衆強翁書表焚之有神憑童子怒曰今歲不應

有雨奈何令郭義官來今則不得不雨頃之澍雨大降
然翁平日爲人誠樸無異術也予嘗論之以爲物之鷲
者□如虎而變化莫如龍古之人嘗豢之而佛老之書
所稱異物多竒怪學者以爲誕妄不道然予以爲人與
同類其相戾有不勝其異者至其理之極雖禽獸無
不同子思曰喜怒哀樂之未發謂之中發而皆中節
謂之和致中和天地位焉萬物育焉學者疑之郭義官
事要不可知嗚呼惟其不可知而後可以極其理之所

至也

歸震
川集

按張尚瑗石里雜著云成化間贛人郭日和催秋租
適瑞金縣村有虎赤色突然而至僮侶驚竄日和怖

戰跼地虎旋繞久之顧無咆哮意日和強起舒步虎復隨之乃語之曰爾欲偕行乎人禽類異若驚擾閭井懼不汝全也虎弭耳若聽受者遂隨之至所居謝坊爲鄉里道其故觀者如堵自是去來無猜犬豕相狎或夜臥榻下日和壽八十四卒卜兆萬安縣虎復送其窀穸未幾亦斃子孫因葬之墓側號虎墳云所記微有不同併附錄

蕭保舍人會昌人名行益正德間年十二補諸生好習射馳馬遇一人衣冠甚偉謂曰今黃鄉寇亂汝可佐吾滅賊否舍人許諾歸家卒其母疑爲嫡母子所毒訟於官繫兄獄是夜縣令夢賴神告之曰蕭郎上帝令佐勦賊

贛州府志

卷四四

雜志

三十二

其兄實寃急出之舍人亦自托夢於家因出其兄於獄塑舍人像入賴神祠

會昌志

安遠箕箒村濂江所經有狐狸石峯然磊嵬江至此深不可測巨魚慘穴其中有長至數丈次亦三四尺罾罟無所施容蓄寢長石之陰爲石羊穴嘗有羊出穴口人見之輒走匿穴深窅而窄其外無有鑿窺之者羊或三四歲一再出或一歲二三出見則其地多有吉事以爲瑞羊焉吳子晉綺過而賞之謂狐狸石之名不稱更名曰鮮卑石渭源之鳥鼠同穴向未有對者以魚羊共谿當之天然儷偶云

石里雜著

雩都張公顯讀書紫陽觀月夜步河堤舟中有人上與談

文意甚得至鷄鳴別去云當於象牙相會且囑云風緊有船休要渡月明無伴不須行次日公顯造舟訪之見

柩乃大驚後公顯獲雋會試不第歸方梳頭問舟子此

何地舟子云象牙潭不覺梳墜俯拾之而溺於河

零都志

嚴溪口有石牛遍體苔文頭角宛肖春夜之交溪水暴漲

人鮮渡者此石獨浮

興國志

寧都王化成名瑞麟資性英敏正德中太守試諸生出句云五馬諸侯今日到瑞麟應聲曰六龍天子幾時迴大

守悚然

王瑞麟文集

王文成征三泖過龍南銀山廟神忽降言有我助都堂三早霜之句時暑月興師因戒軍士具綿絮抵巢而霜降

贛州府志

卷四四

雜志

三十三

賊恣就擒

王陽明櫬至南安贛州士民遠近擁哭御史儲良材以下凡百有位市兒巷婦哭而送者載道風逆不可以舟良材撫之曰先生有懷耶越中子弟門人待有日矣須臾返風順行

李中丞涑為寶應令父鈞至縣視涑適大水民饑涑所入俸盡市穀飼餒人囊無餘錢強市鬻肉為供鈞曰兒為官蔬食我猶田父也乃肉食耶屏之父子共食蕨薇尋進憲副飭蘇松四郡兵事迎者至雩都見敗廬數椽飯蔬衣褐居然寒士

雩都志

汪鉉以右副都御史提督南贛軍務嘉靖七年二月抵任

先是正月有塔山石前地方甘露垂綴竹松桐梅等樹
鉉具奏稱為仁孝所感及賢俊登庸之徵是時張孚敬
柄政故以貢諛逾年召還掌院事累陞兵吏二部尚書
加太子太保凡除拜必先通內閣交相賂遺京師有尚
書十萬之謠

虔臺
行實

王氏李正妻正死於兵二子被俘氏亟自盡家人救之曰
以死殉夫孰若圖全二子氏乃傾家貲贖二子歸

曾昌
志

嘉靖間有二黑番睛青似鷺鷥忽來安遠能識寶物初至
湯泉湖稱下有火珠願百金易鄉人慮去此珠無以鍾
靈氣不許又過南逕隘見業履者打菅石欲買之謂石
中可取活馬業履者方悟每日履菅斷草於地不掃而

贛州府志

卷四四

雜志

三十四

無乃藏石筍篋中閱月取視馬死矣後至修田雙栢菴
一栢大十餘圍上有枯榦出三十金買之僧許伐枯榦
四五尺而去衆趨問之留片屑與人曰此栢曾為仙鶴
所棲焚香有白鶴隨煙而上焚之果然

安遠志
改訂

萬曆乙卯贛郡宋司理名懷祖者蜀□□順人遇直指按
部訐訟奸民競砌單欵以害良儒宋為甌置郡前給之
曰若盍投牘此中吾且為彙呈也投者幾百紙比直指
放告過日則盡付一炬矣越三年其子嗜吉弱冠舉蜀

榜之第六名

堅瓠
集

陳公士竒秉憲贛州居官廉潔有人所不堪者嘗題一聯
於內室云任僕輩衙中終日詈爭七錢肉免民間地上

三年剥去幾層皮公署內約童僕三十許人而日僅市肉一觔也時贛令某性貪墨公日數之謂當論罷令畏甚念公非貨可悅乃購公舊房牘熟讀十數藝他口故桃公論文公曰汝何知者令曰若公文則絕代所無令雖不才猶能憶念隨口瀾翻儼如宿記公不覺改容禮之且成知好公自負文名故為所餌而令之所以中公者亦巧矣

黎士宏仁恕堂筆記

盧太常逵初舉進士往看禮部榜遇同下第者見公神色闐然遽曰今年主司太謬誤如君與僕且落第不知中式何等人公唯唯久之知公已得捷乃曰盧公德量真吾師也

贛州府志

卷四四

雜志

三十五

興國縣鍾於千幼失怙母病藥勿效或言斑鳩可療時屆嚴寒徧覓弗獲於千號泣於天適一鳩飛集於庭不去取以噉母病愈聞者異之

摘錄興國志

萬歷中贛州孝廉司言貫者元日夢亡祖告曰冥曹考校文行當及子矣然有軋之者入省宜以厚幣餽臬司某胥囑其填榜時聞唱八十三名司某姓名即振顙疾書勿滯呼吸孝廉異而識之比秋入省詢臬書中果有某生飭篚往拜且以夢告胥笑曰謬矣舊例填榜是藩胥為政生曰雖然姑識之委幣而去亡何僉寫榜吏時按察使性卞倨與藩司忤爭於監臨御史於兩司中各取數人胥入選至期聞唱八十三名司言貫即振筆一揮

主司遽曰止胥曰書矣姓名皆訖主司曰數也蓋時有副卷頗佳欲更之拆視卷姓周似但書一司字則可改而為周今書名無及矣生往謝胥具言闈中事然則名次前定也寫榜吏亦前定也

節錄徐芳懸榻編

謝桓愨公詔八歲能文有經師張姓者設帳壽量寺夜夢喧迎都憲明發而封翁送公來學張默識之知其非常人也庚午試於鄉中式者數已具監臨劉紫山頭涔而眩語分校曰得無有遺卷乎亟索得公卷登榜所居井醴泉湧出公遂成進士靈秀所鍾殆不偶云

謝桓愨墓誌

萬曆丙辰五月初二贛州城外水發高女牆數丈沿江大夏巨礎胥汨洪濤城內至沒樓脊有業酷者憑几樓上

贛州府志

卷四四

雜志

三十六

子母水湧去至萬安百家村尚據几無恙也城東三十里有儲潭廟水發之先廟神見夢於廟祝令移像至山絕頂去原位高數丈水果及所移地而止又一泥塑鬼卒乘流東下顏面剝落越數日溯流而上仍立於原位衆異之重加裝飾孰謂土木偶無靈哉

堅瓠集

陳師仲令武義民徐順父死不知其讎師仲宿城隍廟夢神以荷葉盛條示之及鞠書荷條二字於案門吏驚愕師仲因嚴詰具以實吐曰殺人者妻父何韜也遂伏其

辜

陳師仲鄉賢錄

天啟七年各省郡縣建逆璫魏忠賢祠贛當事議庀工邑士民匠役無一應者

崇正壬甲虔中九連峒寇掠吉安焚崇仁將由新城返峒
一縣盡走民渡赤溪者久之不反方共疑揣有持竹之
半以旋其大可為舟曰彼處可田可漁高木之多無比
可為室屋宜往居也問所持乃竹杪耳涂子期曰如此
而謂桃花源為寄託之辭者無乃不廣乎新雨
海鹽彭期生入贛死之日守備楊大器潛收其尸瘞萬安
之百家村仲子孫貽訪遺骸不得久之鄉人胡樞知萬
安縣事一夕夢先生語曰遺骸在縣境君能歸之故鄉
幸甚會大器之友曾堯泉亦以狀白樞樞資遣之歸葬
海鹽說者此之思歸之溫序焉居節錄詩話

會稽姜一洪仕廣東左轄仙霞兵潰一洪奔贛州徒步至

贛州府志

卷四四

雜志

三十七

興國榔木村相隨止二僕枵腹足盡裂仰天嘆曰天意
有在偷生何為遂赴水死諸生鍾國士哀之與榔木菴
僧了緣棺斂之越一年乃歸葬西節錄毛

雩都烏石沙圖溪水環其四面外則石山屏之中有洲長
二三里廣半之白沙平鋪若玉屑焉欲見圖者先宿齋
戒圖出或天文卦畫山川鳥獸花木城郭宮室變換不
測其來無首其去無尾

康熙癸亥會昌賴方勃家掘池得一鐵色古碗重三觔容
一升其厚一寸餘漢魏間物也撰增

贛俗多淫祠而龍船神尤為鄙妄圖像於屋壁頭大如輪
赭口皓髯金甲蟒服侍從吏卒篙工楫師以百計長不

盈尺以形容神體之鉅視長狄僑如數倍矣土風無競
渡屈端午則喧金鼓糜牲醴以祠神舉國若狂賭博鬪
毆叢生其中里民曾某請禁之贛令楊玠如其言戎飭
閭井不逾旬曾某病發譖自言龍船神憑焉闔室妻子
皆病譖語令君往觀則詢恕熟視無如何巷人復相率
祠神曾病良已嗟乎此所謂不熄而謂之水不勝火者
也會稽民以牛祭神食牛而不以薦祠者病且死爲牛
鳴第五倫爲太守曉諭百姓有妄屠牛者輒行罰所屬
以安良吏無伯魚其如龍船神何哉

石里雜著

會昌羅國舉力能舉百鈞護國寺新鑄鍾成重五百觔僧
徒十餘人不能舉國舉笑曰何用如許人乃用鐵索穿

贛州府志

卷四四

雜志

三十八

挺一手提而懸之康熙甲寅歲粵賊王九萬攻會昌國
舉手提兩石磨投之斃賊十餘人賊驚散嘗牧羊山中
遇虎國舉力搏之扼其吭而斃

羅陞日述

蕭師諤康熙戊戌進士入京候選遇一善乩者問仕途因
占二語曰桃李可無言芝蘭恐有刺及罷官揭叅者係
同年李蘭也

舊志

興國俗儉陋民間昏暮或不用燈燭斧松栝燃之明如列
炬名曰松光陸深燕間錄云深山老松心有油如蠟山
西人多以代燭謂之松明不畏風戴石屏詩松明夜當

燈

激水志
林

興邑壬戌大水見一獸頭角嶄然每搖首噴鼻則水長數

尺羣譁曰此水牛精也識者知爲蛟云

興國志

乾隆間前河南知府曹元仁於宅西穿池得一石碑碑蓋文云虔州開元寺長講仁寺經百法俱舍等論持律沙門大唐國主李煜開寶二年己巳歲於昇州鍾山太子菴求得釋迦慈光舍利隨身供養伏遇今上皇帝勅諸州開啟戒壇廣度僧尼文牒元供養釋迦慈光舍利七顆捨入戒壇上願缺豐歲缺國界安寧雨順風調萬民樂業時大宋太平興國七年歲次壬午十一月壬子一日己丑朔二十一日建管內僧副講經律表護大德敬翔書正碑題云大宋虔州開元寺重修古戒壇記

贛州界接閩粵語言文字多與相類筆畫之異如華爲葦

贛州府志

卷四四

雜志

三十九

鄰爲隣茲爲茲其全字皆訛者鑽爲闥誘爲掣誑爲噍帳爲賬賠爲賤賊字說文同朋比之比而以爲賠累之賠夯字正字通曰用力舉物此間以爲壓制之義不本音臬芽枿也此以爲墩鎖之墩仝即仙字而此以爲坑谷之坑又稱水道曰圳字書所無稱水石相際爲礫見之象山集中有義同而移其音者恒爲常汝爲爾也有義同而殊其用者喚爲喊走爲行也有混而不分者飲酒曰食酒也有倒用爲義者辭客曰請住非延之而欸於室乃郤之使不入於門也下食之具曰挈飯挈與佐同此可解者也行鳩曰鬧死人鬧與毒鳩全不相入此不可解者也其餘儒爲于仁爲羸輝爲非胡爲巫馮爲

洪荒爲方官司牒狀江浙曰勢宦曰劣衿此曰閻宦曰喇員民俗交關江浙曰議曰帖此皆曰字約訟和曰調停此曰做中情事關說曰居間此曰去來人房屋間架吳曰幾進燕京曰幾層而此曰幾棟僦屋之稱吳曰租燕京曰賃此曰稅米穀用斛用斗此間用桶用籮算田以畝爲則天下通行此乃以租糧爲則糶糶以米穀爲則此乃以銀爲則

婦人以父母之姓爲氏始於春秋民間風俗稱歸某門某氏自吳越逮燕趙皆同獨閩廣稱阿某合所歸之夫姓曰某阿某其風沿於贛俗唐書蕭淑妃罵武氏曰阿武狡猾則古人固有此口語又青箱雜記閩人呼子曰囡

贛州府志

卷四四

雜志

四十

顧況撰哀子篇囡音滅今閩俗囡音宰文不異而音異贛俗則呼仔音亦同宰而并訛其文周頌佛時仔肩俗呼與經義絕不相蒙

古名將推宋岳忠武飛明常開平遇春皆以入贛城不殺至今廟食岳曰精忠祠常曰開平王廟志載岳事甚具余讀明史列傳遇春下吉安圍贛州熊天瑞固守不下遇春浚壕立柵以困之頓兵六月力盡乃降遇春不殺一人今其廟在鎮廨東廟內一巨鉄鼎無冶鑄年月缺一耳

嶺北南贛兩郡多祀七姑神其神本末無攷俗傳神以七月七日爲誕辰是日土人多上宮鞋奉之南安志載七

姑神爲山鬼白鹿洞沿革志亦載有七姑廟廟在洞之
勘書臺下世傳七姑唐江州刺史李渤女也宋淳熙間
民立廟祀之朱子書其額按李渤唐長慶間為虔州刺
史七姑當隨父任白鹿洞舊隱處皆其踪蹟所到故兩
處並祀其神歟然七姑何以得為神宋淳熙時何以鹿
洞祀之則仍無可攷耳至別錄稱宋高宗初宮人入贛
九姑遭變而七姑同塚轉相傳訛尤為不足信者矣
興國有狗頭山人余偶見贛人孟秋潭作歌志異其引云
曩讀山海圖有犬封國疑為荒誕歲丁亥遊興國見有
耕氓居深山中衣冠古樸容貌不類近時人群稱為狗
頭山人詢之則曰犬封國之後也為作歌以志異歌曰

贛州府志

卷四四

雜志

四十一

若有人兮山之幽鼠鬚猿目聲啾啾自言乃是高辛氏
女嫁盤瓠支派留封之會稽東海郵生女容顏盡嬌好
生男人身頭狗頭子孫潛跡寄山澤蛩蛩囉囉相並匿
蕃藷蕙米資盤餐狡兔文狸供血食從今都學把鋤犁
勤理田疇納賦役一家三姓盤籃雷自為婚媾成親戚
女兒猶是太古粧步行直上夫婿堂翁姑打鼓來相接
更遣三茅邀路傍鄉人雖與同鄉住不解盤瓠作言語
一聞山頭吹角聲知是盤瓠娶新婦深山大澤事多殊
我欲言之誰信諸昔年鷄黍曾留我不是空憑山海圖

二條俱平
園雜記

論曰郡中故實謝董諸君子搜討於前張損持增飾

於後又繼之以前二十年新志稿之編葺今為之分
綱從目上攷天文下闡地理中究人物古今之窮變
政事之錯綜經緯詳哉其言之矣而又有雜志一編
何也事固有平竒不一常變雜出甚至形為夢幻流
為鬼魅極而為因果報應無類可歸而學士大夫往
徃據委巷流傳筆而錄之比於齊諧志怪之書豈得
謂理之所無事之所不必有哉志家以是示歸餘於
終之義故名之曰雜雜志成而紀載殊無遺憾矣